

分門纂類唐歌詩殘本

音門集韻通聲詩韻

天地山川類卷第

趙孟奎 分門纂類

唐歌詩

山

巫山

羅浮山

峨嵋山

緜竹山

首陽山

天門山

靈墟山

望夫山

丈人山


閬山

鹿頭山

岫嶺山

荆山

小孤山



北邙山

蒙山

羽山

崑山

龜山

石首山

溫門山

伏牛山

武夷山

瑯琊山

金山

毗陵東山

西山

南山

雜題

山

巫山

張子容

巫嶺岩蒼天際重佳期宿昔願相從朝雲暮雨
連天暗神女知來第幾峰

蘇拯

昔時亦雲雨今時亦雲雨自是荒淫多夢得巫
山女從來聖明君可聽妖魅語只今峯上雲徒
自生容與

羅浮山

文丙

羅浮多勝境夢到固無因知有長生藥誰爲不

死人根雖盤地脉勢自倚天津未便甘休去須
棲老此身

峨嵋山

鄭谷

萬仞白雲端經春雪未殘夏消江峽滿晴照蜀
樓寒造境知僧熟歸林認鶴難會須朝闕去祇
有畫圖看

縣竹山

吳融

縣竹東西隅千峰勢相屬峻嶒壓東巴連延羅

古蜀方者露圭角尖者攢箭鏃引者蛾眉彎歛
者鳶肩縮尾螭青蛇盤頸低元兔伏橫來突若
奔直上森如束歲在作噩年銅梁搖蠱毒相國
京兆公九命來作牧戎提虎僕毛專奉狼頭纛
行府寄精廬開牕對林麓是時重陽後天氣曠
清肅茲山昏曉開一一在人目霜空正沈寥濃
翠霏撲撲披海出珊瑚貼天堆碧玉俄然陰霾
作城郭纔霽霽絕頂已凝雪晃朗開紅旭初疑
崑崙下天矯龍銜燭亦似蓬萊巔金銀臺疊蹙
紫霞或旁映綺段鋪繁褥晚照忽斜籠赤城差

斷續又如煮吳鹽萬萬盆初熟又如濯楚練千
千匹未軸又如水精宮蛟螭結川瀆又如鍾乳
洞雷電開巖谷丹青畫不成造化供難足合有
羽衣人飄飄曳煙躅合有五色禽叫嘯含仙曲
根雖限劒門穴必通林屋方諸滄海隔欲去憂
淪覆羣玉縹緲間未可量往復何如當此境終
朝曠遐矚往往草檄餘吟哦思幽獨早晚掃攬
槍笳鼓迎鳴轂休飛霹靂車罷繫蝦蟇墓木勒銘
燕然山萬代垂芬郁然後恣逍遙獨往羣麋鹿
不管安與危不問榮與辱但樂濠梁魚豈怨鍾

山鵠紉蕙以圍腰採芝將實腹石牀須卧平一
任閑雲觸

首陽山

吳融

首陽山枕黃河水上有兩人曾餓死不同天下
人爲非兄弟相看自爲是遂令萬古識君心爲
臣貴義不貴身精靈長在白雲裏應笑隨時飽
死人

天門山

李白

迴出江上山雙峰自相對岸映松色寒石分浪花碎參差遠天際縹緲晴霞外落日舟去遙迴首沉青靄

靈墟山

李白

下令辭世人拂衣向仙路伏鍊九丹成方隨五雲去松蘿蔽幽洞桃杏深隱處不知曾化鶴遼海歸幾度

望夫山

李白

寫望臨碧空，怨情感離別。
江草不知愁，巖花但爭發。
雲山萬里重，音信千里絕。
春去秋復來，相思幾時歇。

丈人山

杜甫

自爲青城客，不唾青城地。
爲愛丈人山，丹梯近幽意。
丈人祠西佳氣濃，緣雲擬住最高峯。
掃除白髮黃精在，君看他時冰雪容。

閬山歌

杜甫

閔州城東靈山白閔州城北玉臺碧松浮欲盡
不盡雲江動將崩已崩石那知根無鬼神會已
覺氣與嵩華敵中原格鬪且未歸應結茅齋看
青壁

白鹽山

杜甫

卓立羣峰外蟠根積水邊他皆任厚地爾獨近
高天白牂千家邑清秋萬古船詞人取佳句刻
畫竟難傳

泥功山

杜甫

朝行青泥上暮行青泥中泥濘非一時版築勞
人功不畏道路永反將汨沒同白馬爲鐵驪小
兒成老翁哀猿透却墜死鹿力所窮寄語北來
人後來莫忽忽

鹿頭山

杜甫

鹿頭何亭亭是日慰饑渴連山西南斷俯見千
里豁遊子出京華劒門不可越及茲阻險盡始
喜原野闊殊方昔三分霸氣曾間發天下今一

家雲端失雙闕悠然想揚馬繼起名碑兀有文
令人傷何處埋爾骨紆餘脂膏地慙澹豪俠窟
仗鉞非老臣宣風豈專達冀公柱石姿論道邦
國活斯人亦何幸公鎮踰歲月

岫嶁山

韓愈

岫嶁山尖神禹碑字青石赤形摹竒科斗拳身

薤葉披

一作技

鸞飄鳳泊拏虎螭事嚴跡秘鬼莫

窺道人獨上偶見之我來咨嗟涕漣而千搜萬

索何處有森森綠樹猿猱啼

一作悲

荆山

李商隱

豎河連華勢孱顏鳥沒雲歸一望間
楊僕移關三百里可能全是爲荆山

李咸用

良工指君疑真玉却非玉寄言懷寶人不須傷
手足

小孤山

顧況

古廟楓林江水邊寒鷗接飯鴈橫天
大孤山遠

天地山川卷
小孤出月照洞庭
歸客船

北邙山

羅隱

一種山前路入秦
嵩山堪愛此傷神
魏明未死
虛留意
莊叟雖生的
滿巾何必更尋無主骨也
知曾有弄權人
羨他
緱嶺吹簫客
閑傍雲頭看
俗塵

邙山

沈佺期

北邙山上列墳塋
萬古千秋對洛城
城中日夕

歌鐘起山上
唯聞松栢聲

蒙山作

蕭穎士

東蒙鎮海沂合沓百餘里
清秋淨零靄嵯嶮隱
天起予役勞往還息徒蹙
攀倚將窮絕跡處偶
得冥心理雲氣雜虹霓
松聲亂風水微明綠林
際杳窈丹洞裏仙鳥時
可聞羽人邈難視此焉
多深邃賢達昔所止
子尚捐俗紛季隨躡遐軌
蘊真道彌曠懷古情未已
白鹿凡幾遊黃精復
奚似顧余尚牽纏家業重
書史小學務從師壯